

Te Wewete Raraunga- He Tīimatanga

He maha tonu ngaa tikanga whakaari i eenei raraunga. Ka maha raa hoki ngaa raraunga ka kohia. I eeteahi waa hei whakatumeke pea teenei i te aakonga (me ngaa kaiako!) moo ngaa mahi wewete raraunga.

Kua oti ngaa rau mahi aakonga te hora mai i ngaa whaarangi panuku hei whakaahua maa ngaa kaiako. Ka aahei ngaa aakonga te mahi takitahi, takirua raanei hei whakaoti i ngaa raumahi. Teeraa pea ka hiahia ngaa aakonga matatau ki te whakauru i te raraunga, ki teeteahi raumahi ki teeteahi papatono peenei i Excel.

1) Ngaa Raumahi Ākonga

He mea ata hoahoa eenei kia aahei ai ngaa aakonga ki te whakauru i oo raatou raraunga ake, te tuhi i ngaa taataitai e tika ana, me te tuhi kauwhata. Ka homai hoki he paatai whakamaarama moo ia kauwhata. He mea aata hoahoa eenei raumahi hei:

- whakaheke i te rahi o ngaa raraunga hei mahinga maa ngaa raraunga
- tuku i ngaa aakonga kia whai waahi kia whakauru, kia taataitia hoki he raraunga i teenaa waa, i teenaa waa, kia maarama ai ratou ki te haatepe mahi
- hanga kauwhata whai tikanga.

Ko te nuinga o eenei kauwhata ka hora mai i teeteahi pikitia o ngaa aahuatanga anake kei te haere i teeteahi waahi kotahi o te takutai (araa, moo te roanga o too raatou tiipoka).

Ko ngaa Raumahi kei Roto:

1. He aha ngaa momo maataitai kei te takutai one e noho ana? Te Kauwhata Pae Raneatanga Aa-Momo
2. He peewhea te rahi o ngaa tuangi/pipi? Kauwhatahiitori Taumata Rahinga Tuangi/Pipi
3. He aha i rerekee haere ai te tuangi/pipi i runga anoo i te tawhiti mai i te tai pari? Tuangi/Kauwhata Raaina Pipi
4. Kia whakarite taatou i te takutai katoa. Te Kauwhata Pae Raneatanga Maataitai

Moo ngaa raumahi 'Tuangi/Pipi', koowhiria ko teehea o eenei momo e rua te mea ranea rawa i too waahi tirohanga. Mukua te momo kaaore e paa ana i oo ripanga raumahi me oo kauwhata.

He koorero moo ngaa Taatainga Puutapawhaa (raumahi raneatanga Tuangi/Pipi):

Moo te nuinga o ngaa puutapawhaa ka whakamahia e taatou i te kaupapa HGF, he 31.6cm te roa o ngaa taha

Te horahanga o te puutapawhaa (m²) = 0.316m x 0.316m

Te horahanga o te puutapawhaa (m²) = 0.1m² (whakaooritea ki te waahi ira 1)

2) Te Whakatairite me te Whakamaaori i ngaa Kitenga

Kua oti ngaa rau meka e whai ake nei te tuhituhi maa te kaiako me te aakonga hei aawhina i ngaa mahi whakamaaori i ngaa kitenga, me te whakapiki i te maaramatanga ki ngaa koowhiringa whakahaere e waatea ana moo ngaa taupori maataitai.

- A. Eetahi Aahuatanga ka Whai Paanga ki te Tohanga me te Raneatanga i ngaa Taupori Maataitai i Tua mai o Tai Takoto
- B. Ngaa Koowhiringa Whakahaere moo ngaa Puunaha Hauropi Maataitai

Maa too kaiwhakarite tirohanga hoki e pupuri puukete o oo raraunga tirohanga, e hora mai hoki ngaa kauwhata hei whakaatu i teetehi whakaraapopototanga ahuwahaanui o oo kitenga, tae atu ki teetehi whakaritenga o oo tirohanga ki ngaa kitenga o tau kee, me ngaa tirohanga i eetehi atu takutai.

Ka piki, ka heke maaori noa te maha o ngaa maataitai i teetehi taupori i roto i te waa. Te tikanga kia noho mai he raraunga tirohanga, e taea ai ngaa ia te aata tautuhi, naa konei e moohiotia ana kaaore e tina aawangawanga nuitia teetehi hekennga tatau mai i teetehi tau ki teetehi. Ka aahei too kaiwhakarite te aawhina i a koe kia whakamaaori i ngaa kitenga tirohanga.